

DANIELIS GEORGI MORHOFI,

D. Eloq, Prof. 34.

# ORATIO,

De

Intemperantiâ in Studiis, & E-  
ruditorum, qui ex eâ oriuntur,  
morbis,

*Cum magistratum Academia Kiloniensis  
adiret.*

---

KILONI,

TYPIS JOACHIMI REUMANNI, Acad. Typ.

ANNO 1672,

D. 1111 George Monmouth

D. 1111, 1112

ORATIO

DE

Incipit in 2<sup>a</sup> & 3<sup>a</sup>

Incipit in 2<sup>a</sup> & 3<sup>a</sup>

Incipit


Incipit in 2<sup>a</sup> & 3<sup>a</sup>

Incipit

Incipit

Incipit in 2<sup>a</sup> & 3<sup>a</sup>

Incipit



**Q**uando in religiosissimo hoc loco , in ipso  
Æterni Numinis conspectu , in isto illustrium &  
doctissimorum Virorum confessu , in hoc ornatis-  
simo suggesto me versari intelligo ; quando sacro-  
sancti jurisjurandi, qvo me modo obstrinxi, animo  
recurrat memoria ; quando hic mihi scēptorum  
splendor obicitur ; quando epomidem istam purpuream humeris  
meis incumbere sentio : is mihi animum religionis horror perculit  
& consternavit, ut ille , quem hac in sede consistere, & apud vos esse  
videtis , vix apud se esse videatur. Quoties pallium hoc, Auditores,  
qvod septem Clarissimorum Virorum & nuper admodum Clarissi-  
mi mei decessoris humeros dignissimè ornavit , mihiq; jam octavo  
circumponitur, intueor ; toties ab illo ruborem in genas mihi refle-  
cti sentio, ut qvod honoris habetur symbolum, idem quoque sit per-  
petuum pudoris mei documentum. Neq; sanè me fugere tenuitatis  
meæ conscientia potest, quam res ipsa, ut ego non profitear , loqui-  
tur, & cui magnificis cum nominibus non usq; adeò convenit : neq;  
si muneris mei partes respicio, is sum qui sceptris debeam admo-  
veri, ad gratissima Musarum mearum vincula potiùs condemnandus :  
qvibus ut solvi me ægerrimè aliàs fero , ita nunc quoque ab earum  
complexibus, ad insuaves occupationes, nolim facile, si per me stet,  
abduci. Ac quamvis nihil horum attendi abs me debere aliquis  
arbitretur : erant tamen causæ profectò gravissimæ, quas nominare  
hic non attinet, ob quas dignitatem illam deprecaretur aliquis, & in  
beneficio reputaret, si ad alios devolveretur. Veniebat & hoc in  
mentem, qvod, cum tantâ diligentia & fide omnia gesserit Clarissi-  
mus Decessor meus, nihil mihi videam ampliùs , quàm summam  
æmulandi difficultatem relictam. Verùm quando meo hic stare ar-  
bitrio non permittitur , dum & Serenissimi Principis ac Clementis-  
simi Domini nostri auspiciis , & vestra Academici Patres voluntate,  
munus hoc mihi imponitur : age ergo jacta esto alea, & divini Nu-  
minis gratiâ, Clementissimi Principis nostri auxiliò, vestro autem

Patres Academici consiliô, provinciam hanc tam arduam suscipiamus, proq; virili nostrâ ornemus. Aderit conatibus actionibusq; nostris, quem submissis precibus suppliciter nunc apello, æterni sui Spiritûs afflatu Deus Optimus Maximus; quæ sanctissima spes animi mihi contra quascunq; difficultates erigit & confirmat: Solatur præterea vester quoq; favor & benevolentia, quæ sub onere hoc titubanti prudentiâ suâ & consiliis subveniet: ut hoc mihi defensore, his consultoribus nihil magnoperè metuendum esse videatur. Cùm autem ex antiquo more boni ominis gratiâ aliquid sit dicendum, quod ab instituto non sit alienum, vel eâ in re ad Te Decessorem meum, Vir Clarissime, quem invitum ad eò ab hoc loco dimittito, respicere, tuâq; legere vestigia volui, ita tamen, ut ea, quæ mearum sint partium eadem operâ involvam. De Intemperantiâ & morbis dicturus sum, quorum ad Te spectant negotia, quod ut de tuo mihi liberalissime concedas, est quod etiam atque etiam peto: sed de iis tamen, quæ à studiis oriuntur. Eâ verò parte magis ad me pertinent; quanquam & vestras interdum manus postulant, cùm non pauci inter illos sint, qui helleboro vestro; multi, febres præsertim, & hinc orientia ægris omnia, venæ sectione indigere videantur. De quibus cum pro exiguitate temporis dicere apud vos cogito; video quidem quàm multa mihi præterire, aliqua vero cursim exsequi necesse sit, & in iis tamen ipsis explicandis quantum ingenii mediocritas succumbat; nisi humanitas illa vestra, de quâ (neque enim nutus vestri me fallunt) jam securus mihi esse videtur, Orationi audaciam, audaciæ veniam promptissimam largiatur.

Quotiescunq; in mentem venire solet illius temporis, quo frugalitatem Reip. Romanæ olim Cæsarium luxus excepit, & simul pensius mecum considero, quàm penè eadem habuerint fata literæ & bonarum artium studia: toties luculento exemplo didici, quod & prudentissimis quibusq; & sagacissimis crebrâ animadversione perspectum est, ab ipso temporum ingenio, & atatum inclinationibus, tum animorum, tum consiliorum & literarum momenta suspendi. Nam sanè qui communis erat rerum omnium morbus, ipsiq; prope modum intestinus ætati intemperantia, ita arcanâ quadam virulentia etiam animos omnium afflârat, ut ubiq; caput exferens, nihilq; intactum relinqvens, ex cogitatis omnibus elucefceret, ipsis in verbis atque



atque adeò omni in doctrinâ deprehenderetur. Eadem verò tempo-  
ra nobis jam esse reducta, nemo ibit infitias, postquam expulsâ pri-  
dem superiori ætate barbarie & ignorantia, quæ cathedras & subse-  
lia occupaverat, nova aurei cujusdam in literis seculi felicitas efful-  
sit, quæ nunc eadem per vestigia relabi, & à culmine suò in quo con-  
sistenter incipit dimoveri. Cujus rei aliam nunc, quàm quæ tum fuit,  
causam nominare nescio, sciendi scilicet quandam intemperiem &  
doctrinæ luxum, vires & exemplum à communi seculi nostri malo  
capientem. Quemadmodum enim, postquam à priorum tempo-  
rum sobrietate & temperantia descivimus, nihil est eorum, quæ ad  
vitæ commoditatem sunt instituta, quod non stultitiam aliquam im-  
mani sumptu patiatur, ita nunc quoque cum studiis comparatum  
est, ut nihil placere possit, nisi quod superbâ aliquâ ambitione, &  
plus quam meretricio fuco coràm seculo nauseabundo comparet.  
Non sufficiunt jam ædificia, quibus contra aëris inclementiam nos  
muniamus, nisi oppida intra domos exstruamus, quæ magnâ sui par-  
te ab oculis tantum habitantur: Non corpus modicâ nec indecorâ  
tegere veste placet, nisi laciniis distuat, nisi aurò illusa undiq; ferreo  
seculo ruborem incutiat. Quando apud magnates mensa instruitur,  
non ad cœnam sed ad scenam accedere videmur, tot dapes velut in  
orchestram prodeunt, & palato nostro quasi quædam fabula para-  
tur, cui ipsa rerum elementa fiunt tributaria, & non rarò ipsa homi-  
num pericula apponuntur. Simillimis profectò nunc apud plurimam  
literatorum partem moribus vivitur, postquam simpex illa & infu-  
cata animi cultura è medio sublata, & liberalia non solum studia, sed  
omnes vitæ civilis exercitationes contagio hoc laborare cœperunt,  
ut nihil penè jam amplius virtutis & artium veritate honestateq; sed  
per officii quandam simulationem omnia gerantur. Quis non in exi-  
guâ & minutissimâ etiam scientiæ parte, vel amplissimè se habitare,  
& vel orbem possidere existimet, qui vix literarii pulveris pugillum  
teneat? Quis non purpurâ suâ aut splendidâ aliquâ togâ omnem se  
involvere & quasi in sinu gerere doctrinam putet, cujus tamen nu-  
ditas è misère coherentibus centonibus undiq; prospektat? Quis  
non robustos etiam & solidos sapientiæ cibos devorasse aut conco-  
xisse sibi videtur, qui lacte vix nutriri incepit? Adeò scilicet pervul-  
gata illa vitia literariam quoque Rempublicam infestant, & animos

occultis quibusdam cuniculis irrepunt; quibus remedia sunt omni conatu querenda, antequam illa validius contra medicam manum insurgant; quanquam illam jam nunc vix agnoscere videntur. Quandoquidem verò morbum nosse suum nec dissimulare prima ad salutem via, Medico autem accuratius illum inquisivisse præcipua curationis pars est: nihil quidem aliud nos nunc agemus, quam ut propius eos excutiamus literatorum morbos, qui ex sciendi quadam intemperie suam trahere originem creduntur, medendi operâ illis ipsis relictâ, quibus eos eorumque causas ob oculos ponimus. Est enim verò, ut in corpore humano, ita & in animo & literario orbe intemperantia omnium, quos nominare quidem possumus, morborum causa, qui non alio quam hoc fonte derivantur. Hujus intemperantiae, quod mireris, princeps causa est ipsa jejunitas, & profunda quædam rerum & studiorum inter se connexorum ignorantia: quæ cum animum, qui per hunc scientiarum orbem circumduci debebat, obsidet, uni alicui arti ita affixum tenet, ut præ immodico in illâ studio cæterarum hujus orbis partium oblitus, angustis unius terminis omnem sapientiam metiatur. Nam cum primum non nisi uno & simplici nomine appellaretur omnis divinarum humanarumque rerum scientia, nunquam defuerunt præclara in gloriam seculi & publicam salutem nata ingenia, quæ simplici & planâ viâ ad sapientiam grassantes, eam integram & incorruptam minori negotio occuparunt, quam qui nunc in aliquâ ejus particulâ sibi vindicandâ tam operose desudant, totque in diverticula à regiâ viâ distrahuntur & penè discerpuntur. Nunc autem cum Respublica literaria in suos quasi ordines & tribus divisa, & velut agrariâ lege aratroque circumductio sui singulis artibus possessores certi que domini sint assignati, singuli suâ quasi quadrâ vivant, & suas sibi res habeant, accedente imprimis ambitione, in factiones & partes dilabuntur. Innata scilicet & hac in re animis nostris est dominandi libido, nec facile ullus est vel exigua etiam artis doctor, qui non illam præ omnibus efferre contendat, & inter partes officii sui numeret aliis eam anteferre. Si Grammaticos, superbissimum hominum genus, interroges, multos hinc Palæmoni similes invenias, qui secum natas secum morituras literas impudenter asseverent, & vel alios in ordinem redigere non vereantur: totam autem Philosophiam rectius longè Historicorum & Poëtarum,

tarum, quos manibus assidue terunt, quam Aristotelis & Platonis libris doceri dejerabunt. Philosophus sibi sapiet, nec alios facile in aliquam sapientiae possessionem admittet, Oratorum & Poëtarum pigmenta spernet: Hi verò ut barbarum averfabuntur. Theologus alto supercilio despiciet reliquos. Jurisconsultus solum se, si Ulpiano credimus, geret veræ nec simulatæ Philosophiæ affectatorem, & cum L. Crasso apud Ciceronem omne disciplinarum & artium genus duodecim tabularum legibus, si Diis placet, statuet contineri. Atque has oriri simultates & liticulas necesse est, cum per familias suas distincti suis vivunt auspiciis, & ut vastius habeant imperium, limites proferre, & vel aliunde rapta & quomodocumque corrasa, rebus suis, nimiam sciendi intemperie, in immensum adjicere laborant. De quibus omnibus nunc pressius nobis est & accuratius per singulas partes agendum. Quemadmodum autem bifariam considerari solet omnis doctrinæ artiumque ratio: nam vel solâ in rerum contemplatione defixi, intimæ veritatis imaginibus animos pascimus, vel ipso in exercitio & operatione versamur: ita utrobique mali vis se exerit lateque propagata omni ex parte diffunditur. Porro aliæ sunt artes, quæ viam ad rerum ipsarum cognitionem sternunt, & sciendi instrumenta Philosophis suppeditare dicuntur, quarum cum prima soleant esse studia, primâ hinc peccatur intemperantiâ. Plurimos enim videas his rebus affixos in ipso limine non sine aliquâ anjucunditate, an stupore totâ penè vitâ suâ hærentes, similes fabro, qui de instrumentis sibi comparandis mirum in modum sollicitus, non ut eis aliquando utatur, sed ut illorum aspectu vel possessione solâ sibi gratuletur. Agmen eorum ducunt Grammatici, in sermone eliminando occupati, magno semper in pretio habendi, si rem suam agant, nec aliorum limites invadant. Verum nulla doctrinæ pars nugarum est feracior, ob doctorum suorum intemperiem, nec insolentior in cæteras dominatum affectat. Quia enim dum verborum apices in omni scriptorum genere venantur, multa illis hæret rerum, sed confusa admodum notitia, quâ deinde turgidi omnibus se controversiis perpetui Dictatores ingerunt, nihil sibi impervium, nihil tam sublime habent, quò pertingere sibi non posse videantur. Satis opinor intelligitis A. de quibus loquor: Critici illi sunt & Antiquarii, sed semidocti & minorum gentium (neque enim Erasmos, Grotios, Scaligeros,



geros, Vosstos aliosq; Heroas hunc in censum refero) quorum de  
superbia tot sunt eruditorum querelæ, quibus nunc aures vestras sto-  
lo obtundere. Scilicet hi Reges sunt illi & Principes, hi Lexicoran  
Imperatores, quorum nutu gubernantur omnia, & qui unice ab o-  
mnibus observari volunt: Cumq; jam Romanum expiraverit in  
Imperatoribus imperium, ad se unâ cum lingua illud hereditario  
quodam jure pertinere putant. Nihil ab istorum aliquo quasiveris,  
ad quod non respondeat, aut Grammaticis tritis involvat, ne aliqua,  
etiam illa quæ non sunt, nescivisse videatur. Non alios etiam scriptis  
orbi erudito se ostendunt, in quibus ad minutissimas usq; minutias,  
è seculorum tenebris insanâ sed obscurâ diligentia erutas descendi-  
tur. Quod quidem non sic accipi velim, quasi antiquitatis studia,  
quæ nemo nisi barbarus aversatur, improbare contendam, qui ipse  
eas magni semper habui & aliis commendare consuevi: sed modum  
in eâ re esse tenendum, & hanc intemperiem coercendam statuo:  
ne dum illam judicii vim, quæ inutili illo labore non leviter affligi-  
tur, in rebus exiguis, & ad bonam mentem nihil profuturis exhauri-  
mus, tum cum illa in seriis promenda est, à nobis ipsis destituti ab  
aliis aptiora sentientibus rideamur. Annon diligenter conquisita  
sunt & religiosè servantur monumenta etiam vilissima, nummulo-  
rum, lapidum? Annon immensi de ludis, circis, nuptiis, funeribus li-  
bri conscripti sunt, è quibus, cum opus est, ad satietatem petere ista  
licet, ut profectò inanis & superstitiosa sit opera, illis inquirendis im-  
morari. Quid enim in fece & rubigine antiquitatis ætatis nostræ a-  
nimi; florem consumemus, cum tota nobis se pandat rerum mater  
natura, tot se offerant rerum prisca incognitarum inventiones, qui-  
bus operam impendere multò foret utilius & honorificentius. Non  
possunt iidem hunc intemperantiæ morbum dissimulare, cum ad in-  
terpretandos autores accedunt. Quam hinc illos tumultuari, rixari,  
dubitare, opinari, conicere, ædificare, diruere, quadrata rotundis mu-  
tare videas: quàm in cumulandis ad quævis obvia, locis, quos vo-  
cant, communibus, communia plurima & tritissima sectari, imò illuc  
planè non pertinentia, non sine fastidio animadvertas: ut Bacchi illa  
xiphi, in quo papaver, triticum, allium, hordeum, pisum, ervum, ci-  
cer, lens, faba, avena, carica, mel, oleum, vinum, lac, quin etiam illota  
ovis lana congerebantur, legentibus videantur. Et illi quidem homi-  
nes



nes satis se consecutos esse gloriæ autumant, si ut pro librorum hel-  
lunionibus ab imperito vulgo habeantur, totam ubiq; bibliothecam in  
commentariis ostendent, quos postquam legeris, ne sensum quidem  
auctoris, qui in tantâ sylvâ anxie quærebatur, fueris affecutus, ani-  
mum verò tot rerum indigestarum congerie impeditum planè refe-  
ras & intricatum. Multi istorum hominum, idcirco, ni fallor, bonos  
mihi legere auctores videntur, ut errata in illis inveniant: quod per-  
iudè est, ac si quis iter ingrediatur, ut scrupis aut lapidibus incurrat.  
Paucaissimos invenias bonos auctorum medicos, qui corrupta resti-  
tuant, ægra sanent, vulnerata cicatrice obducant: longè verò plures,  
qui latronum & carnificum instar integra mutilent, sana & recta con-  
torqueant, & quemadmodum Procrustes corpora longiora ampu-  
tando, breviora extendendo lecto suo aptabat, omnia ad ingenii sui  
vel capacitatem vel angustias examinent vel exaniment, Hactenus  
illos in domo suâ adorti sumus, viamq; etiam in forò suo errantibus  
commonstravimus; iidem verò infelicitè etiam alieno in regno jus  
suum exercent. Cum ex eorum genere aliquis quancquam aliis cæ-  
terorum gloriâ eruditione supergressus, in Prudentiæ Civilis are-  
nam descendisset, Rêgumq; causas egisset, statim animadvertit secu-  
li sagacitas, quâ impares afferret lacertos, nec istis rerum argu-  
mentis, quæ causam hanc satis decerent, pugnaret. De quo non se-  
mel conquesti sunt Viri gravissimi, qui alio defensore tempora egere  
illa, judicabant. Quoties cum Jurisconsultis manus conseruit, toties  
medij deprehensus, nunquam sine atroci vulnere dimissus est. Astro-  
logiæ vanitatem cum diffuso admodum volumine impugnat, ma-  
gna tibi certè ex hoc hiatu promittas: cum tamen si rationum mo-  
menta inter se contuleris, vehementer ea corvos ludant hiantes;  
nam vel è Grammaticorum armamentariò deprompta tela, statim  
ubi figuntur, hebescunt, vel si quæ rem ipsam ferire poterant, levia  
sunt, & à scopo, vi ineptæ illationis, aberrant. Quare, si quidem rebus  
omnibus se integros incolumesq; velint Criticorum filii, aliorum  
præstantium virorum exemplis, sibi quid ex usu sit discant, nec te-  
merè aliorum cedant vineta, qui illis sylvas suas & horrida tesq; va-  
non invidèbunt. Temperantius res suas agant, nec aliâ fini, quàm ut  
gravioribus disciplinæ ingenia præparent, sibiq; & aliis interiora sa-  
pientiæ adyta aperiant. Neque enim sola ista doctos faciunt, sed do-

Erunt potius fucō animos imbuunt, quos cum isti ingenii sui acie diu  
limarunt, denique prius atterunt & confringunt, quā acunt. Nec  
solido aliquo cibo ista omnia pectus saturant, sed putido & ventoso  
tantum distendant; nihil lucis mentibus affulgent, sed tenebris po-  
tius involvunt, ut si quando in rem ipsam veniendum, si salubrioribz  
patriz consiliis subveniendum, noster domi non sit, & in alium or-  
bem delatus sibi videatur. Verum eos tandem ut dimittamus, tem-  
pus nobis aurem vellicat; si tamen prius summi literatorum suo secu-  
lo Principis J. Caesaris Scaligeri, de Grammaticorum grege elogium,  
quod inter carmina ejus reperitur, illis oggesserim:

*Plus panis et me temporis, quod impendi*

*In Grammaticis et leves locutores,*

*Vanas Poetarum atq; perditas vagas,*

*Quam barbarorum, quæ leguntur in libris.*

*Hæc est mearum tota summa summarum:*

*Stultum ac supinum plumbeiq; deliri est;*

*Rebus relictis consensescere in verbis.*

Altera nunc me vocat Oratorum classis & Eloquentiæ studia, quo-  
rum in vitâ communi omnibusq; in negotiis sacris, civilibus, familia-  
ribus usus tam longè lateq; patet, ut potissimam ætatis nostræ par-  
tem in his censeam infumendam. Nam cum cæterarum disciplina-  
rum in se bonarum & laudabilium usus interdum intempestivus &  
intemperans in reprehensionem incurrere possit; Eloquentia tamen  
abs se necessaria semper est, & omni in causa requiritur, ut nunquam  
possit culpari, nisi ab inepto ingenio, nec cum opus est, nec cum mo-  
do usurpetur. Nec defunt (quā singularem quorundam artem non  
dissimulabo) qui idè impensius sermonis student cultura, ut, quan-  
do speciosa hac veste publicè comparent, majorem in omni doctri-  
næ genere, de se excitent opinionem, & sententiarum suarum adsti-  
pulatores facillimo negotio inveniunt. Ipse facundiæ parens Cicero  
vix haberet, cur in cæteris Philosophiæ partibus magnopere gloria-  
retur, nisi quæ in libris suis disputavit, eloquentiæ suæ luce illustrasset.  
Quod si verò vitia, quæ in Eloquentia non pauca irrepserunt, in-  
temperantiæ adscripserit aliquis, non repugnaverim; cum negari ne-  
queat, sæpè, ut intemperans seculum est, intemperantes esse homi-  
num lingvas, & ultra civilis dictionis simplicitatem modò inaniter  
turge-

turgere & diffluere, modò præcipitibus & hiantibus sententiis frag-  
gi: quanquam à perversâ in Scholis informatione magnâ ex parte  
quicquid eâ in re peccatur, habere certum sit. In diffuso illo & ven-  
toso dicendi genere, quod plus sonat quàm sapit, vix salis aliquando  
micam in toto verborum Oceano reperiâs, quæ extra alveum & li-  
tôra feruntur, & à fine suo quàm longissimè recedunt. Quæ non nisi  
per longas ambages ingenii quodam æstro ac furore quaquaversum  
sine lege, sine ordine agitata peregrinatur oratio, sui fastidium præ-  
mittit, antequam molestè expectata aures illabatur, ac ærem potius  
flagellare, quàm animos ferire consuevit. Vidistis aliquando majores  
illas literas ingeniosi alicujus Scriptoris manu exaratas, quàm  
multis illâ linearum ductibus, & quodam quasi labyrintho impli-  
cèntur, omniq; ex parte cœu reticulis quibusdam obtexantur, cum  
post anxiam illâ ac aliquot horarum operam, nihil amplius quàm  
αλφα & βητα legatur. Hæ literæ Asiaticæ Orationis vobis faciem  
quàm elegantissimè depingent, quæ verborum magis fecunda  
quàm rerum, cum diu inani auditores expectatione torqueret, &  
nescio quid augusti minaretur, tandem exilia quædam promittit, sed  
magno sermonis apparatu in crustata. Ex adversâ parte regium Elo-  
quentiæ paludamentum in lacinias conscinditur, dum coactæ in tur-  
binem sententiæ, velut fatua quædam è pelvi fulgura vibrantur, quæ,  
cum in animos descendere nequeant, solis sensiculorum quibusdam  
illofionibus detinent Auditorem, & leviter sui admiratione aures ti-  
tillant. Unde oritur ea sæpissimè obscuritas, ut Divino potius aliquo  
in conjectandis sensibus, quàm interprete opus esse videatur. Affinis  
Eloquentiæ Poësis est, sed numero syllabarum pedumq; mensurâ, &  
dictionis habitu diversissima: quàm parcius attingere svaserim ei,  
qui civilibus negotiis aut aliis severioribus studiis se destinavit. Qui  
enim absq; illo impetu, quo Musarum aguntur filii, ad eam accesserit,  
magno primùm labore macerabitur, ut versus aliquot compo-  
nat: qui si etiam ultra mediocritatem assurgant, vix operæ pretium  
fecerit, ut delicati jam seculi plausum mereatur: sin verò ingenitâ  
quâdam propensione ad poëmata pangenda feratur, videat, ne blan-  
dissimâ carminum vi quasi effascinetur illic hæreat, inter ipsas me-  
tamorphoses mutatus, vel in campis Elysiis, aut in Parnassi jugis o-  
berret animus, cum in necessariis magis studiis illum habitare oportet.



tebat. Non aliam ob causam sapientissimus Imperator Antonius libro quem de rebus suis scriptis Diis gratias agit, quod non magnos progressus in Poëtica fecerit: metuebat enim ne ista studia se præpeditum detinerent. Eisdem fortè rationibus inductus Balzacus, Vir inter Gallos doctissimus, idemque Poëta elegans, in præclaro illo, quem de Principe patriâ lingvâ conscripsit, libro asserere non dubitavit: Quod si, integra aliqua natio Dialectices vel Poëseos morbo laboret, frequentiorque sint Sphærarum & Astrolabiorum, quàm aliarum rerum magis necessariarum commercia, non procul a ruina sua abesse censenda sit. Hæc verò non eò dico, quasi Poëta è literariâ Republicâ planè ejici velim, sine quorum lectione docti nomen nemo tuebitur, & quos viro secretioris prudentiæ arcana rimanti multis modis prodesse posse certissimum est. Quin tuit hæc ætas nō paucos, Poëtas summos, qui tamen nec ad res gerendas inepti, nec ad illustria munia obeunda ingenio impares accesserunt; sed summâ cum gloria iisdem defuncti fuerunt. Quibus exemplis illorum hominum calumpnia facillè retunditur, qui in ipsa scientia, nec potius in infano ejus studio ac intemperanti usu, cui prudentior aliquis facillè moderatur, crimen quod iis impingunt situm esse existimant. Et his tamen imputationibus effici illud solet, ut vel nulla vel mala cultoribus suis bonæ literæ lucrentur præmia, barbari autem & senni docti homines de illis ubique triumphant. Nemo tamen hæc in re, ut autumno, imputum Epicuri os audiet, qui homo minime bonus & nequus. Poëtas tamen virorum bonorum consortio excludere ausus est, dum viro bono ac sapienti, sed quem ex ingenio suo format, omne Poëseos studium interdicat: quo longè saniora sensit Strabo, qui bonum Poëtam, nisi vir bonus sit, fieri posse negavit. Mitto plurima, quæ ad hunc locum pertinere posse videbantur, cum ad ipsam rerum cognitionem, de qua amplius dicere debemus, nobis sit properandum. Est verò in univèrsum de contemplationis studiis id tenendum, nihil illis esse divinius, & ad perficiendam mentem & sibi ipsi quasi reddendam præsentius remedium: in quibus tamen, si cum modo non verferis, aut pro vetitatis luce sophismatum nebulas, ut ille in fabulis pro Junone nubem, amplectaris, facillè ex infano illorum amore pro genuinis sapientiæ ideis notionum centauros & Chimeras, monstrosos nugarum & impiorum dogmatum foetus sis suscepturus. Quin



non raro ipsa etiam innoxia horum studiorum tractatio multum in-  
temperantia adjunctum habet, dum animus à rerum civilium con-  
tubernio in se ipsum vocatur, & quasi carcerem quodam detentus, nun-  
quam liberòs ad prudentia negotia spiritus afferre potest. Quare ni-  
si per muneris sui partes incumbat, vel in honesto & liberali otio quis  
constitutus spernere ambitus seculi queat, nunquam svaferim, ut ali-  
ter quam in quantum ex iis ad utilitatem publicam referre potest, in  
iis versetur. Hinc inter perdita ingenia à Cardinali Perronio, in ex-  
cerptis istis, quæ consignarunt Puteani Fratres, numerantur, quæ uni  
alicui è sex istis se applicant, quadraturæ circuli, multiplicationi cu-  
bi, perpetuo mobili, lapidis, quem vocant Philosophici, præparatio-  
ni, Astrologiæ divinatrici, & Magiæ: quod illa omnia hominem sibi  
ipsi quasi furentur, & iudicii vim infringant, quæ magis perficiatur  
in rerum civilium magni alicujus imperii tractatione. Plura his ad-  
dere potuisset inutilia Philosophiæ crepundia, quibus puerilem in-  
morem multi se olim hodieque oblectant, Philosophorum, quibus eò  
magis ingenii vis in rerum civilium usu retunditur, quò sunt illa sibi  
ipsi & onerosa inanis & inutilia. Primatus jure quodam Philosophiæ,  
quam vocant, primæ conceditur, quæ quò subtilius ab omni materiâ  
& singulari rerum statu abstrahere animum jubet, eò longius ab alio-  
rum negotiorum commercio peregrinatur. Magna hujus omnem in-  
partem patet vis, perque totum istum literarum orbem diffunditur,  
ut una cum Dialecticâ, quæ illi affinitate juncta, & quam proximè  
hæret à latere illud, quod in fabulis Poetarum decantatum est, Ari-  
adnes filium in rerum cæterarum labyrintho erranti subministrare  
videatur. Superiorum tamen seculorum hominumque in istis studiis  
intemperantissimorum vicio factum fuit, ut illæ directrices scientiæ  
ipsæ inextricabili labyrintho, quam simillimè redderentur: Nam  
cum summus Philosophorum Parens Aristoteles luculenter hic fa-  
cem prætulisset, illi pressiora ejus vestigia dedignant, per diverti-  
cula in sylvas & tenebras lapsi, ita umbrosis & spinosis dubitatio-  
nibus, quæstionibus omnia involverunt, ut si suos ipse redivivus Ari-  
stoteles videret discipulos, se ipsum in illis desiderans non Philoso-  
phos, sed Scholarum quosdam rabulas & tintinnabula inveniret.  
Quam enim, Deus bone! sterilibus & cucurbitariis contentionibus  
immensa videas impleri volumina! quam ærumnosis laboribus de

nihilo aliquo scribitur, disputatur, contenditur: ut cum hæc lego,  
cœnæ Heliogabali ad fidere mihi videar, in quâ fictilia, lignea & mar-  
morea fercula, oculos fortè, minimè verò pectus saturati ra appone-  
bantur. Invenimus etiam pium in literatorum numero Domitianos,  
qui inter religiosa Musci sui silentia, cum tu in mysteriis illos sollici-  
tos suspiceris, non nisi muscas captent & stylo configant. Sunt, qui,  
ut Heliogabalus ex totâ urbe; ita ex omni scientiarum orbe avan-  
tarum telas colligant. Sunt Calignæ, qui ut devoti sibi literarum  
Oceanum ostendant, inania quædam conchylia in triumphum du-  
cant. Hi tales cum serium nihil sapere aut viris digna agere queant,  
puerili studio malunt,

*Edificare casas, pro stellis ad jungere mures,*

*Ludere par impar, equitare in arundine longa.*

quàm voces viro sapiente dignas promere, consiliis Rempublicæ  
adjuvare, solertissimis in ventis vitæ communi succurrere. Et videas  
tamen non nunquam ad internecionem usq; bella illis dere nihili  
geri, magno ardore nec minore etiam ambitione & fastu, quæ domi-  
non componuntur, sed alias etiam propiores disciplinas simul in-  
volvunt. Ad hanc intemperantiam credo respexit Cardanus, cum in  
libro de utilitate ex adversis capienda de Primæ Philosophiæ studio  
dicit, quod hominem faciat ambitiosum, ingenio turbulento & an-  
cipiti, callidum, cæteras disciplinas negligentem; nam verum & ge-  
nuinum ejus usum nemo sanus his criminationibus impugnet. Cæte-  
rum si ex utilitate, quàm Vir Civilis inde habere queat, potius quàm  
ex aliâ fini æstimandum sit, paucis, quod Neoptolemus ille Ennianus  
dicebat, ut hîc philosophetur, autor illi fuerim: nam planè non at-  
tingere, & ipsum Virò Civili, quem nihil, quoad ejus fieri potest, i-  
gnorare decet, est indignum. Venio nunc ad Philosophiæ naturalis  
& Mathematicum studia, divîna, regia, magnifica, gloriosa, quæ non  
delectant tantum & perficiunt mentes viri sitientissimas, sed im-  
mensâ utilitate suâ, omni in vitâ, omnibus in negotiis se exerunt; si-  
quidem non intra otiosas tantum speculationes suffocentur, sed ad  
operationes ipsas procedant. His fontibus & agrorum cultura, & me-  
dendi ars, & si quæ necessitatibus humanis aliæ subveniunt, derivan-  
tur. Quò verò major fuit eorum studiorum, naturalis imprimis Phi-  
losophiæ, superioribus sæculis ignorantia, eò fecundior intemperan-  
tia

tia passim fuit Autorum, qui naturam non tam è naturâ, quàm è ce-  
rebrî sui angustîis depromptam fastidiosis commentariis magis in-  
tricarunt, quàm explicuerunt. Nunc verò cum sentire incipiunt,  
quàm sit stultum unius autoritate Philosophi, hominîs tamen, & sæ-  
pè etiam errantis naturæ operationes definire, viam ingressi sunt,  
non jucundam solum, sed & honorificam illustres animæ, quò & ri-  
gidissimis per ignem experimentis, & sagacissimis observationibus  
Naturæ sacratium feliciter expugnarent. Neq; possunt nunc studia  
illa segnius procedere; postquam tot solertissimi viri in indefessam  
naturæ indagacionem Regiis auspiciis conspirarunt. Et vidimus pro-  
fectò intra exigui temporis spatium, plus incrementi studia hæc,  
quàm integris olim seculis sumpsisse. Non requireret fortè à nobis ali-  
quis, ut omnia, quæ dici hîc de variis in naturâ, medendi arte, & ma-  
thesi novis observationibus & inventis possunt commemorare; nam  
integris illa libris & annalibus orbi exponuntur, nec modicâ ali-  
quâ oratione possunt comprehendî. Malim quoq; aliis varios illos  
errores, ex sciendi intemperantiâ illis in disciplinis ortos, discutiendi  
relinquere, præsertim cum infinitus eorum numerus sit & ma-  
gnis voluminibus à scriptore non uno detegantur, quàm hîc nimis  
multus inveniri. De Chîmîcò & Astrologico studio multorum vocu-  
las audire mihi videor, indignius, quàm par est, ea tractantium: nam  
reperias etiam nunc nonnullos, stupore nescio an malitiâ omnem  
Chîmicam artem improbantium, quibus & aliâs & nunc quoq; à do-  
ctissimo Daniæ Medico satisfactum arbitror. Astrologia, in primis  
illa, quæ circa hominîs temperamenta, morbos, agrorum proveni-  
tum & similia versatur, non adeò incerta est, totq; documentis pro-  
bata, ut in naturam iniquum oporteat esse, qui aliter sentit: quam-  
quàm is, qui è Philologorum numero infelicitè Astrologos adortus  
est, ne quidem temporum illas variationes, fluxus & refluxus maris,  
incrementa & decrementa humorum sideribus adscribere velit, quæ  
sanior tamen aliquis vel manibus palpet. Verum hæc, quæ dico, no-  
lim tamen eò quis rapiat, ac si superstitionum quarumcunq; suscipe-  
re in me patrociniûm velim, à quâ culpâ non abesse video Morinum  
Gallum, facundum ceteroquin & doctum Astrologiæ defensorem,  
qui eo in libro invictam illam Gustavi Magni fortitudinem, non tam  
immo ejus excelso, quàm gladio, quem sub certâ siderum composi-  
tione



tionem fabricatum, variisq; Planetarum characteribus insignitum casu nescio quo se accepisse gloriatur, majorine dicam insaniam, an infancissimos manes injuria adscribere non veretur. Sed relinquamus suos Astrologis orbes æthereos, & cum Socrate, qui Philosophiam primus ex astris in terras, urbes & domos deduxit, eam disciplinam videamus, quam Regiam scientiam, summus ejus Doctor Aristoteles vocat, & quam omnem omnino vitam humanam prudentiam comprehendit. Scilicet hæc illa est A.O. quæ populos immanitate barbaros, moribus feroces, sensu discrepantes, componit, animat, regit ac movet: Hæc Viro Civili directricem prudentiam largitur, quam omnes eventus Reipublicæ, prospiciat: Sapientiam, quam honesta ab inhonestis, ab inutilibus utilia discernat: Magnanimitatem, quam religionem in templis, pietatem in civibus, concordiam in consiliis, justitiam in foro, felicitatem in eventis tueatur. Non unam autem ratione illa considerari potest: namq; vel præceptis tantum continetur, vel in ipsam actionem deducitur, cujus quidem gratiam præcipue illa docetur, & ex qua unice illa à prudentibus spectatur. Nam cum scire levius aliquid sit, quam esse, nec vel in cathedris aut inter amicos philosopho illo & magnifico ore disertum esse adeo laudabile sit, quam virtutem illam, quam profitemur, in vita exerecere, merito hoc præ illo æstimabitur, & boni viri titulus viri docti elogio præferetur. Audiamus hic monentem Senecam: *Magnus ille inquit, impendio temporum, magnam alienarum aurium molestiam laudatio hæc constat. O hominem literatum! simus hoc titulo rusticiore contenti: o Virum Bonum! Audiamus illum, o Me, ne ejusdem querelas, quod postquam Viri docti prodierunt, boni jam desint, nostro exemplo adfirmemus. Peccari autem utrinque, intemperantiam quadam potest: nam qui ex libris illam & rerum gestarum monumentis petunt, iis mihi similes videntur, qui magnam armorum copiam undique anxie conquirunt, non ut iis adversus hostem aut pro patriam utantur, sed ut armamentarium domi habeant, & bene instructum, & bellè ornatum, quò delectare se & ostentare alijs possint. Qui verò in Republicam versantur, & civilibus negotiis impliciti in rem præsentem utilissima præcepta deducere laborant, sæpè ingenio extra virtutis limites egresso in malas artes incidunt, quarum nunc magistri ubique triumphant, & cum plausu etiam seculi se efferrunt. Cæterum eos, qui custodes gubernatoresq; ci-*



vitatum Res communem utilitatem continentes, quas publicas vocamus, opere ipso tractant, non unius intemperantiæ incuses. Quidam enim illorum studiis, quæ à vitæ consuetudine & ab agendi efficacia abstinent nimium sunt dediti, cum nihil magis cum negotiis pugnet, quam otium literatum, & nihil quidem vivi homines sperare sibi ab isto habeant, qui non nisi cum mortuis novit conversari. Alii ita abs bonis literis alieno sunt animo, ut in eorum perniciem conjurationem inisse videantur. Cum enim ipsi indocti ad res gerendas vocentur, nec desit illis Aristippi alicujus ingenium, & cæcus quidam fortunæ favor, omni operâ laborant, ut in consilii societatem cooptentur sibi quam simillimis, qui mutuas inde in calumniandis bonis literis operas jungunt, quasi nullus earum in Republicâ usus, aut omnis animi vigor & vivacitas iis interficiatur. Quos, si conscientiam eorum interroges, plus sapere occultis literarum subsidiis adjutos invenias, quam quis credat, vel illi ipsi fateantur: qui ne id quidem, quod dextræ & feliciter affectant, sine civili aliquâ doctrinâ tacite in eorum actiones se diffundente, & à rerum gestarum experientia acquisitâ exequuntur. Hinc tot errores tam in Republicâ bene regenda, quam in partibus ejus administrandis videas, quos oriri necesse est, cum illi eâ in sede collocati, quos omnem disciplinarum complexum attigisse oportebat, perspicere nequeunt, quos tribunatibus, quos cathedris præficere dignè satis possint: de quo tamen, nisi me omnia fallunt, Viro Civili imprimis erat cogitandum. Quare cum confessum alicujus Senatûs, à tali quodam bonæ mentis jurato hoste institutum videas, signiferum aliquem intueri possis, in quo nonnisi stupido tauro, vel cornu ferienti capro, vel rapacissimo leoni, vel virulento scorpio locus conceditur: cum interim Hercules, vel Cepheus, vel Perseus aliquis ad eorum pedes recumbit, totusque Semideorum ordo excluditur. Præclara Prudentiæ Civilis propago est Jurisprudentia; pulcherrima non solum, sed & latè patens disciplina, quæ non levi etiam intemperie laborat propter cultorum ejus quorundam intemperantiam. Sunt, qui ex legibus solis sapere satis sibi putant, neque ad æternum illud jus, quod animis nostris ipsa natura infeminavit, ipsæ gentes communi suffragio probârunt, & Philosophia nos docet, respiciunt. Invenire hic est tenebricosa quædam Rabularum ingenia, qui Philosophiam à Jurisprudentiâ infelici sejungunt

gant divortio, cumq; ipsi majestatem ejus non satis capiant, nec à  
quâ matre augustissima filia procedat, angustis illam litigantium  
subsellis circumscribunt, & reciprocis altercantium latratibus deter-  
minant, formularum potius cantores vocandi & leguleii quàm Ju-  
risconsulti. Est præterea non obscurum intemperantiæ indicium ista  
fastidiosorum commentariorum multitudo, ista quæ sita sententia-  
rum novitas, supervacuarum quæstionum vanitas, quibus explican-  
dis integrum impenderes seculum, & in quibus Hercules ipse labo-  
rem inveniret decimum tertium. Expugnanda horribilia illa Glo-  
satorum agmina, è quorum sordibus aurum, quod in Ennio fecit Vir-  
gilius, exsculpendum est: Tot deniq; contrariæ leges conciliandæ,  
quas vel falsa quorundam invexit opinio, vel otiosa & iners quorun-  
dam subtilitas excogitavit. Malunt enim nunc viâ confragosâ &  
asperâ ingredi plurimi, quàm planâ & simplici, & febriculosas aliquas  
ostentationes rerum copię & sensuum gravitati anteferre. Quare vi-  
deas sæpe incomparabili & juventutis & temporis dispendio frigidis  
quibusdam nūgis chartas onerari, aut paginas in finitis testimonio-  
rum numeris turgidas lectoribus velut offam in os objici, paucos no-  
dos solvi, plurimos verò etiã in scirpo quari. Quemadmodum  
jam hæc ex parte superstitiosâ quorundam legum observantiâ pec-  
cari dicas; ita ex alterâ longè perniciosior error eorum se oggerit,  
qui non certis legibus, sed solis Juris Naturæ & Gentium commu-  
nissimis præceptis; quæ interpretantium libidini hinc patent, jura &  
sententias dicunt definiendas. At ij non perpendunt, quàm salutare  
Philosophi sit monitum, ut quàm paucissima Judicis arbitrio, pluri-  
ma, & si fieri possit omnia legum sanctionibus relinquuntur. Quis  
non videt, quàm multa & penè innumerabilia per censere orando  
quædamus, nihil tamen argumento nostro alienum, aut præter nego-  
tium acturi, si accuratè cogitateq; ea omnia, quæ in nostrum cadere  
institutum poterant, persequamur: sed & modestiæ studendum &  
tempori consulendum est, cujus certis finibus meam orationem, ne  
infinite fluat sentio circumscribi. Intellico tamen, quandoquidem  
ipseniet mihi necessitatem ejus rei imposui, de præcipuis istis mor-  
bis: quæ intemperantiã hanc consequuntur, adhuc esse dicendum:  
quæ licet sint numero non pauci, uno tamen è fonte promanant om-  
nes, quem superbiæ nomine appellabo. Est verò nec illa unius ge-  
neris

neris pro ingeniorum, quæ in studiis versantur, habitudine: Quem admodum enim Philosophus quosdam naturâ servos, alios verò Reges nominat, ita etiam literatos homines observes regio quodammodo & habitiori spiritu per omnia profundissima agitari, alios verò nativâ quâsi & ingenitâ tarditate humi teneri, aliorumque sententias servili quodam obsequio venerari. Utrique hominum generi sua est superbia: illis quidem è vastitate doctrinæ, quam ex toro scientiarum orbe collegerunt: his ex intemperanti unius, & quidem exigui studii cultu, cæterorum verò crassissimâ ignorantia, vel tumultuariâ aliquâ cognitione excitata. Illi, ut non sunt omnium temporum Phœnices, sed inter literatos Rhodio illi Colosso similes, cujus non digiti quidem mensuram minores statuarum assequerantur: ita memorum summo in honore à cæteris minorum gentium Diis habentur: quorum tamen nominis gloria erroribus etiam palpabilibus ad omnem solet posteritatem patrocinari. Talem jure quodam jam ab omni ævo suspexerunt Philosophi Aristotelem, virum incredibili & divinâ propemodum judicandi vi omnia complexum, quem ego tamen cum viro quodam docto humanæ intelligentiæ finem, absolutionem naturæ postremam, qui summo Dei consilio mortalibus sit expositus ad intuendum, ut eo duce ac magistro scirent, quicquid humanus animus cogitatione assequi potest, nolim sædissimâ adulatione appellare. Non fert jam instituti mei ratio, ut elenchum errorum texam, quos in Aristotele omnes, nisi vel insigniter stulti, vel impii etiam sint, agnoscent: nam non est exiguus eorum numerus. Illud saltem dissimulare nequeo: non esse, cur Philosophiam ejus naturalem (alia enim non adeo impugno) pro oraculis aut divinis effatis habeamus. Ea tamen quorundam est pervicacia, ut errores etiam manifestos ejus non dimittant. Risum tenere non potui, cum in Licetum, Philosophum & Peripateticum insignem de viâ, quam vocant, lacteâ disputantem incidens Aristotelis de eâ sententiam (quæ inter meteora eam refert) cum Mathematicorum scholâ ita conciliare observarem, ut duplicem eam faceret, cælestem aliam, aliam verò æriam, quam posteriorem ille inter meteora referri dicebat. Vidi non semel, qui ærios Cometarum natales, contra omnes Mathematicorum evidentissimas demonstrationes, omnemque fidem, obstinatè & cum convitiis etiam defenderent. Vidi qui corporum



effluvia contra rationes, imò contra manifestos sensus negarent; negaturos etiam intra oleam vel extra juglandem duri aliquid esse, si negasset Aristoteles, vel oculos opinor sibi effosuros, si aliter quàm Peripateticè rerum naturam intuerentur. Verum ignosci tamen his erroribus potest, si Philosophiæ fines non egrediantur, nec in sublimiores scientias, atq; adeò in ipsum Theologiæ sacrarium irrum-  
pant, quod non prioribus tantùm seculis sed hodièq; fieri, maximo Ecclesiarum incommodo, sæpissimè experimur. Solet enim plerum-  
q; plus in religione turbarum esse ab illà doctorum, quàm imperi-  
torum hominum superbià, qui comprimere animos suos & sedare  
arrogantiam nonnunquam consuevèrè. Quàquam & illi, præsertim  
si ingenio asperiori sint, ac abollæ alicujus autoritas accesserit, into-  
lerabiles, nec Ecclesiæ solùm, sed & Reipublicæ omnibusq; cordatis  
graves & intrastabiles inveniuntur. Non potest autem temerè gra-  
vior orbi erudito ab illis accedere molestia, quàm ab ineptà istà li-  
brorum seriatione, cui, quò quis illorum est imperitior, variàq; & tu-  
multuarià lectione confusior, quàm maxime indulget. Etenim cum  
in Chao aliquo informi scientiarum semper habitant, quod, quia lu-  
ce istà mentis destituitur, nunquam in orbem justà & aptà propor-  
tione distinguitur & efformatur, nihil quidem inde quàm mære te-  
nebræ & umbræ possunt expectari. Si quis enim illis Vulcanus securi  
caput aperturus sit, pro pulcherrimà aliquà Minervâ tenebricosam  
ejus noctuam prodeuntem: intus verò in cerebro intestina lingua-  
rum, scientiarum artiumq; bella, totq; notionum & conclusionum  
velut ventorum ex Æolio nitre erumpentium luctas spectaret. Nec  
possunt illi per ingenii sui turbas animadvertere, nihil esse tumultua-  
rià lectione & nimis multà bonæ menti perniciosius, quæ cum mille  
oneratur & gravatur minutiis facultatem, quæ meditando se exerit,  
vel atterit, vel planè etiam exstingvit. Quare nemo miretur, à mon-  
stris ingeniorum non nisi monstra librorum in lucem produci, quæ  
tenerrimè tamen ab illis amari, & magnà cum ostentatione seculo  
videas commendari. Nemo illorum operæ pretium putaverit, uno  
aliquo libro orbi innotescere, nisi Bibliothecas omnes, omnes im-  
pleat pluteos, & integris operum centuriis, totà foliorum myriade  
ineptissima lucubrationum suarum somnia doctioribus ridenda ex-  
ponat. Nulla oritur animo cogitatio, quæ non statim voluminis ali-  
cujus



cujus res sit, nec illius cum Isocrate in nonum annum premendi, sed citius quàm pyrum vulpes comest, jam confecti, in quo ex omni verborum habitu, quæ non apto inter se ordine procedunt, sed velut in turbâ aut seditione populi fieri solet, omni ex angulo convolant, & ut apud Theocritum est *αἰθρὺν θ' αἶς ὕψος*, ille festinantis anhelitus apparet. Atque ut diffusioribus paginis libri turgescant (nam id unice illi curant) tot otiosè dicta otiosè repetuntur, auctorum myriades laudantur, tot testimonia eaq; satis spissa ad rem nihili probandam, nec ubi opus est, adducuntur: quæ si dempseris, vereor, ne cum magnâ illis solitudine in theatro suo sit conflictandum. Quoties talibus interdum in libris plusquam Ulyssæis erroribus mihi peregrinari cōtingit, Auditores, in Africam mihi delatus videor, quàm undiq; pulcherrima cingunt & vastissima flumina, ut magna tibi inde promittas: cum intus nonnisi steriles arenas & infinita monstra deprehendas, quæ inter timidus ambulans viator pulveris nimbo penè suffocatur. Nam fallunt plerumq; titulo emptores, ut Pharrasius picto velo spectatores, quem cum mirè illi ornent: jam enim tropæa, triumphante victoriam indicia; jam columnas caduci operis fulcra, & nescio, quæ vultus imitantia signa ferarum splendide depingunt; jam minio, quo triumphantes olim ora solebant, frontem libri, in perpetui credo pudoris testimonium oblinunt: ut tu, qui omnia ista spectas, magnam rem agi juraveris, qui propius tamen admissus, ut in pictorum pergulâ, veri nihil omnia ficta offendas. Quis non illorum est, qui præ nimia viduitatis impatientiâ cum Didone hîc exoptet; Saltem mihi parvus in aula luderet Æneas! Adeò improlem intellectum omnes fastidiunt, qui cum bonæ mentis semine destitutus generare abs se nequeat, alienos partus vel adoptat vel furatur. Iste enim ubiq; nunc mos invaluit, ut vel optimi cæteroquin scriptores ab hac culpâ non adeò immunes sagaciores quidam invenerint. Possem & ego Autores aliquot nominare, celebratissimi aliàs nominis, nisi famæ eorum parcerem: qui cum in opere aliquo versati fuerunt, adeò dissimulant libros ejusdem argumenti, sed peregrinâ linguâ plenissimè scriptos; cum tamen lecti & descripti autoris indicia ubiq; prodantur, ipsumq; Autoris nomen uncialibus literis in frontispicio libri comparens novas frondes, & non sua poma mirari videatur. Non potest profectò raptor aliquis Cacus tam profunde

quædam abscondere; quin Hercules ejus legens vestigia, in ipsâ il-  
lum spelunca suâ adoriatur: nec corvus aded tacitè furtivis palci pa-  
bulis, quin clamore suo noscatur. Est verò non simplex illa furandi  
ars, sed multis instituitur modis: quosdam enim illis autolycis di-  
cas simillimos, qui ingeniosè admodum ungulas suas tegunt: quo-  
rum furta frustra etiam per lancem & licium quæsieris: radiore  
verò alios & manifestos raptore, quorum quo insolentior audacia,  
eò præsentior poena est. Sed priorum dolos & technas investigare  
non fortè inconveniens erit vel ab instituto nostro alienum. Nam  
sunt, qui pauca & exigua quædam multis subducunt, ac iterum alio  
habitu & formâ componunt, & inter se implicant: similes illis, qui  
numos non rapiunt integros, sed eos circumcidunt: quo patet quid-  
dem nummi pretio decedit, multum tamen lueri è prælegminibus  
in unam massam conflatis, æquiritur. Illis quoque, ut artes suas  
celare melius possint, hoc in more esse videmus, ut nunquam ejus  
quem describunt, vel verbo mentionem injiciant, vel etiam convi-  
tiis, ubi id commodè possunt, proscindant, ne quis amice aded il-  
los conspirare, & uno interdum ore loqui suspiceretur. Et hi quidem  
ingeniosius furantur; alii tutius, qui latrociniis etiam furta sua ce-  
lant: dum enim metuunt, ne eorum aliquando rei agantur, super-  
stitibus quibus convinci poterant documentis, bonos autores & ni-  
hil meritos flammis in cineres redigunt, ne vel ex eorum ossibus ul-  
tor aliquando exsurgat, quod veterum Philosophorum multos fe-  
cisse memoriæ proditum est: nunc enim Typographiæ beneficium  
eorum conatibus obstitit. Quanquam & illa nunc aliâ ex parte plu-  
rium furaces & intemperantes calamos provocet, ut Viri ejusdam  
doctissimi sententiam non aded improbem, sæcundiorẽ Atheo-  
rum post inventos typos natam legitem statuentis, plusquã nunc cum  
minus scribitur describi, quàm olim cum manu omnia scriberentur.  
Hæ fraudes plurimam partem ex illâ lectionis interaperie, velut à  
stirpe quædam excrescunt, dum obvia quæque in scriptionis argu-  
mentum obtorto collo rapiuntur, plurima non intellecta pravâ qua-  
dam imitatione desleantur ab iis, qui dum Simii aliorum fieri vo-  
lunt, fiunt Asini, splendido tamen titulo, ceu pelle aliquâ leoninâ in-  
voluti. Scilicet non ineleganter literarum studia bonosquã autores  
horto variis floribus confito quis comparet. Quemadmodum enim

alii solo eorum aspectu; alii odore delectantur; alii eos depingunt; alii farta inde & corollas conficiunt; alii succum exprimunt; alia quas eliciunt: solæ verò apes mella ex iis sugunt: ~~et~~ ubi vario ingenio diversisq; finibus vulgò in literis versamur; paucissimi autem sunt, qui verè iis uti apum instar norunt, ut dulcissimos earum fructus non ipsi solum delibent, sed alii quoq; persentiscant.

Verum nescio quomodo sit, ut quò in literariâ illâ intemperantiâ percontandâ & examinandâ hæreo diutius, ipsa mea eodem intemperantiæ morbo laborare videatur Oratio: cuius vos exitum A. O. tacito abs me convitio, nî fallor, efflagitatis. Nec extricabo me temerè: adeò enim multa sunt, quæ dicentem penè obruunt: nisi vim lingvæ inferens omnem istum, qui mihi nunc scribitur, sermonem è vestigio abruptam. Quod faciam, si vos paucis hortatus fuero, Juvenes Optimi, ad quos præcipuè omnia ista pertinent, ut rem vestram naviter agatis, & quas habetis in manibus artes, eo ardore, qui generosa incendere peiora solet, persequamini: eaq; temperantiâ, sicut prætor rerum inutilium & frivolarum labore iis vos artibus nancipetis, quas maximè vobis intelligitis accommodatas, quarum ex amicâ in vobis conspiratione magna in Rempublicam emolumenta dimanant, ipsiq; è lucubrationibus vestris, è quibus multi fuligines & fumos colligunt, vobis illustres gloriæ faces accendatis. Id tamen meminisse etiam vos oportet: illam in studiis temperantiâ ad vitam ipsam quoq; transferendam, ut ad mores temperantissimos vitam componatis, ut tamen in conspectu Dei & societate honestorum hominum, non verò in Cyclosum Republicâ vos vivere intelligamus: & ut deniq; quæ optima esse potest vestra temperantia, legibus quas modò vobis in memoriâ revocavimus, obtemperetis. Quanquam Vos ita animatos malimus, ut quondam Aristoteles fuit, ex quo cum quæreretur, quid Philosophiâ studiis esset consecutus? hoc, inquit, ut quæ alii legibus facere coguntur, ego sponte meâ faciam. Agite ergo, o mei, quandoquidem Viri Maximi vestigia insistere & vos oportet, ita vos gerite, ut leges istæ magis spirant in animis vestris, quàm in chartis legantur: ut ingenii quadam sublimitate & virtutis rectitudine, legibus istis majores innoxie eas glorioseq; contemnere queatis. At enim video, Juvenes Optimi, nec sine magno voluptatis sensu intelligo, altius dicta mea descendisse  
in



in animos vestros, itaq; comprehendisse, ut gratuler jam nunc mihi  
istam bonæ mentis glaucitatem, quam in oculis florere vestris video;  
& cujus jam fructus animo mihi videor præcepisse. Nolite committ  
tere, ut per vos inquietiores sint Musæ meæ, & studia mea turbentur,  
quæ ab humanitate nomen invenerunt, humanoq; & comi vos con  
tinebunt imperio, humanissima etiam obsequia vestra sibi pollicen  
tur. Monstratæ vos sub Philosophi sceptis Philosophos, i. e. domi  
nes, qui vel sibi relictæ & nullis legibus coerciti, iusta quæq; & virtutis  
veritatem sectentur. Permittite Oratori, ut vobis persvadeat, Poë  
tæ, ut vinculis suis vos obstringat, non illis servilibus, sed quibus  
ne liberrimi quidem homines obligari deesse sentiant. Nolite deniq; fa  
cere, ut qui apud se vestram agit causam Orator, per vestram culpam  
eâ excidat, spesq; vobis, quam ille de vobis concepit egregia, ipsis in in  
cinabulis suffocetur. Quod ergo superest, æternum Numen veneror,  
ut divini sui Spiritus gratiâ clementissimè nos respicere, & augustam  
hoc sapientiæ sacrarium, Serenissimumq; ejus Autorem, incompara  
bilem Patronum, ceterosq; fautores omnes, tum & urbem hanc Mu  
satum alumnam, utrumq; Senatû benignè tueri & conservare ne  
dedignetur. Idem deniq; meos, quos afferro fortè oneri huic impa  
res lacertos, potentissima dextrâ suâ firmet: idem & labores vestros,  
Juvenes Optimi, in sui gloriam Rei; publicæ emolumentum edu  
cet, & divinum pacis bonum, quod duci pectora Deo, manci  
pata amant, animis vestris largissimè infundat.

Fiat mi Deus! Fiat.

F I N I S.

